



Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XL. Fructus ab eo Parisiis inter Academicos editi. Pœna illi propter hoc intentata, sed Deo fauente, honorificè declinata.

urn:nbn:de:hbz:466:1-10840

Petri Ortizij, & Iacobi Goueæ, quorum ille duobus Hispanis, hic Amadorio discipulo studebat. Tam multorum querelis ventilata, Inquisitorem latere non poterat. Erat is Matthæus Orius ex S. Dominici Ordine, qui ratus de incantamentis, homines ab se se sapienter mouentibus, quod res erat, videre Ignatium optauit, sed tunc Parisiis aberat; qui enim (ut pridem narratum est) apud se depositam illius pecuniam, sodalis decoxerat, in Hispaniam rediens ægrotauit Rothomagi; vnde ope omni destitutus, eius quem prodiderat charitatem, infelicitatis suæ admonuit. Dedit hic nuncius charitati alas Ignatio, ad reponendam celeri beneficentia fraudulento sodali infidelitatem: proficisciatur ad illum quantocvus, vtque miserum iuuare incipiat nondum præsens, Deo laborem itineris longinqui, pedestris, ieuni, nudis pedibus decurrendi, Deo dicat, exquisito tamen sub discessum, in templo S. Dominici, eius nutu, ne quis consilio error obreperet. Ac sensit quidem initio, naturæ quoddam frigus, auersantis abstinentiam cuiusvis alimenti cum labore itineris iungendam, donec usque Argentulum venit, nonum emensus milliare; hic fœcum iurgando, pugnando, vi viam urgendo, in collem enitur integrato etiam leueri ieuni proposito, quoad vel toto corpore rependo attigisset Rothomagum, cum repente interius, tam pleno se flumine inundari, cœlestium aduertit voluptatum, tanto membra vigore refici, vt conficiendis eo die qua supererant milliaribus tribus & triginta, vento ferri per aëra, non nudis incedere pedibus videretur. Tam nullo famis tædij, fatigationis, siue adeò; Dei verò sensu tam perpetuo ac tanto, vt cogeretur interdum subsistere, & magnis vocibus, peccus sancto ardore vaporatum laxare. Prima nox illum domo pauperum exceptit, idemque cum mendicolectus; altera sub dio paleæ cumulus. Rothomagi tertia facenti sodali reddidit, quem beneuolè complexus, & iuuit necela- riis incredibili beneuolentia, & commoditate nauigandi, datis etiam illi ad amicos commendatitiis. Has enim sancti vindictas nobiles exigunt of- fensionum acceptarum: his inficta damna, & iniurias rependunt. Inser- uebat ægrotu illi suo Rothomagi, cum ex amicorum literis cognoscit quæ- ri se ab Inquisitore Parisiis; quare reditu festinato prius illi reuersus se si- stere voluit, quam suum hospitium adiret, id modo ex eo enixè petens, vt interrogatis quæcumque libuisset, expeditum se veller ad Remigalia, vt posset tempori cursum Philosophiae inire. Moras illi non fecit hæc causa, paucis sacer Quæstor illum ab se dimisit, innocentia illius abunde confi- cius. Quare Ioani Pennæ Philosopho in S. Barbaræ Collegio dare operam in- stituit.

Hic vero solito acrius extimulare illum Deus ad molitionem strenuam operis, ob quam, frustra toties alibi tentatam, illac denique ipsum per- duxerat. Priuatim igitur cum schola sociis de Deo colloqui; ad Deum sen- sim pellicere, signare animo, & lucrificare, quos sibi Deus vitæ imitatores, & opera comites, tum destinauerat, tum verò pollicitus fuerat. Nec mul- sum interfuit temporis, cum dimissis scholis, cœpit etiam Magistrorum honorifice clavis.

XL.
Fructus ab
eo Parisiis
inter Academ-
icos editi.
Pœna illi pro-
pter hoc in-
tentata, sed
Deo fauente.

L p. medum.

nendum discipulorum circulis ambiri , ad nouæ de cœlo effata Philosophi æ audienda , cuius ipse interpres haud paulò melior, quam terrenæ, Academici Professores. Imo vt erant quæ consequabantur ex æterna Euangelij doctrina, quam ex Aristotelis sterili , momenti longè alterius, & depromebantur ea vi dicentis , vt in auditorem altè descenderent , breui euenit ut pluris ipsius quam Pennæ consilia fierent, qui discipulos malebat Philosophos quam sanctos. Atque inde alias contra illum decumanus turbo , sed mox Deo placante compositus. Exercebantur feriatis diebus, Ad S. Barbaræ, disputando scholastici; at ex quo sacrorum frequentationem inter illos Ignatius intulit, concursus ad templum ex schola ; ad Deum à magistro defluxit. Ictus ea solitudine magister, postquam id semel, & iterum frustra cum Ignatio questus est, non iam remedium, sed vindictam à Gouea poscere , tunc eius Collegij Rectore: mos erat in aula Collegij , perturbatores studiorum publicâ pœnâ castigare, vocabantur ad ætis sonum professores , virgis , ad plagas , flagrisque instructi; discipuli ad spectaculi exemplum. Suppicio ut non magnus dolor , sic grauis infamia inerat; & probro ducebatur, cum eo agere qui foret semel ea nota multatus , inuri tamen Penna Ignatio voluit, non tam eius emendandi causa , quam dedecoranda illius consuetudinis , vt vitaretur ab aliis. Nec abnuit petitioni Rector , vt qui etiam ipse ob Amadorium vehementer aduersabatur Ignatio : condici tamen adeò secretò de re non potuit , quin per aliquot sibi fidos moneretur, abstineret Collegij aditu ; illuc pœnam ipsi publicam parari. Perculit hominem indignæ infamiae nuncius , & ignominiam probrofisi supplicij primùm exhorruit, sed mox, acerbè se increpans , ac velut iumentum refractarium conuitiis fodicans , atqui, ait, asine ! pigrum pecus illuc te adigam ; nec , vt toto tu collo pugnes , capistrum abrumpes, iturus certò es , aut à me raptandus. In hac sui obiurgatione Collegium subit, clauduntur eius fores, stat in omnem cumentum tranquillus Ignatius: vetum ex hoc eius liberali promptoque animo Deus , præter suimet victoram , nihil habuit ratum , mulctamque , maiori aliis detimento futuram , quam ipsi , ab eo depulit. Post detectos enim cacodaemonis cuniculos in eam tacitè incubentis ad subruendos hac ignominia in iuuenum animis Ignatij labores, diuersam illi ab desiderio abiiciendi sui cum quo Collegium intrarat , subiecit mentem, salutis videlicet alienæ , cuius erat ad Dei gloriam minister. Correctori ergo in aulam vocanti ad instructum, aiebat, ipsi apparatum , Respondit iturum non graduatè, prius tamen Rectori se fisteret : illuc ore & animo affectus , vt solent qui non propriis sed Dei rationibus metuunt; dixit , longe se alii casibus, catenis , & carceri assuesse , nec esse tam fracto animo vt leuem mulctam vitare voluerit , in quam vltro induerat sese, cum eius præmonitus nihilo feciis in auditorium venerat. Se item alias, neque uno loco , actum sceleris eiusdem reum, hoc est iuuandarum ad æternam salutem animarum , nusquam tamen verbum in defensionem, aut sibi excidisse , aut patrono commissum ; tanti enim ministerij dignitati & pati , & si visus est immori futurum

rum putasse non meriti solum ad mercedem ingentis , verum etiam ad honorem . Sed quando non sua , nunc sed boni res publici , salusque multorum ageretur , eius se iudicio , æquitatique permittere , foret ne satis Christianum , pro refractario punire hominem querendis Christo animis insudantem (nam quid sibi posset aliud opponi ?) & utrum fas esset illum peccata ignorancia publice notare , ut arcerentur ab illius colloquio , quos illi destinabat Deus ad meliora reducendos . His quidem ille , aut per illum Deus Rectoris animum conuenit , qui iam cæcum suum aduentens impetum , oculis prius quam voce respondit ; & prehensum manu Ignatium in aulam induxit expectatione , & discipulis refertam ; tum multis ei cum lachrymis in genua procidens , iniuriæ veniam rogauit , quam ipsi , pariter , & Deo , vel annuisset fieri , vel non vetuisset . Est vero hic idem Iacobus Gouea qui Societate nondum stabilita Ioanni Tertio Lusitanæ Regi auctor fuit , ut in conuersationem Indiarum Ignatij socios adhiberet . Ex quo illa deinceps animarum messis vberima , cuius fecit sementem Xauerius , Indorum Apostolus , & qui Xauerij generosas ærumnas , non minus animosè , quam vestigia triuerunt , haudquam profecto Xauerium expugnasset Ignatij sanctitas , si dedecorata iniquo supplicio , ne sperare quidem in S. Barbaræ illius contubernium valuisse , nedum agere cum illo familiariter , auersaturo videlicet fastidio nobili , consuetudinem hominis ea infamia notati . Sic auctoritatem Ignatij quibus illam perditum ibant ipsius aduersarij , iisdem artibus diuina bonitas stabiliuit . Nam Gouæ sensus talis viri ac tanti , tam humilibus publice officiis testatus , consciuit Ignatio affectionem , plurimorum , sed omnium admirationem . Ipse proximæ auctor tempestatis , illius magister , non modo in gratiam cum illo rediit , sed amavit etiam illum vehementer , habuitque semper tanquam virum Dei , nec dissimilis fuit apud primos Vniuersitatis præceptores Moscosum , & Vallium illius existimatio . Præ cæteris tamen Martialis quidam Theologiæ Professor , intima illi necessitudine adhaesit , & de magnis diuinorum arcans ab eo institui solitus , facile animum induxit , hæc illum coelesti magisterio dedicisse , que nulla in terris pulpita sonarent : atque eo processit , ut ei prius doctoris Theologi tradenda insignia deferret , quam cursum artium peregrinaret , quod quidem Ignatius nec sustinuit audire ; sed hinc non ægrè colligitur : illud cuiusmodi iudicium fuerit Vicarij Complutensis , quo tamdiu Ignatium silentio damnauit , quamdiu Theologus non esset .

Dum hæ Ignatio adspirant auræ , haud quaquam eius ardor septis Collegij se tenere , ac licet æque ut in Hispania non palam , quod esset gallicè imperitus , at occasione vbiunque se daret , ad opem miseris ferendam præsto esse . Pauca referam ex multis , quorum , in suscipiendo industria Charitas in conficiendo felicitas , æternam merentur memoriam . Homo im pudicus alienam perditæ deperibat , flocci habens vitæ discrimen perpetuum ob eam subire cui iam demens animam immolasset . Nihil omisit Ignatius ardoris , & contentionis quo ex tam præsenti , exitio infelicis eriperet vi-

X L I.
Mira Ignatij
opera conuer-
siones anima-
rum.

tam